

0807 Успение святыя Анны, матере Святыя Богородицы  
Успѣние святыя Анны, матере Святыя Богородицы, и  
память святых жен Олимпиады и Евпраксии

НА ВЕЧЕРНИ

НА ГОСПОДИ, ВОЗЗВАХ:

стихиры святыя Анны на 6, глас 4.

Подобен: Дал еси знамение:

**З**аконны оправдания соблюдаючи невредимо/ и Богу Вседержителю непорочно работаючи,/ сподобилася еси, Анно, мати быти/ по плоти Христа рождающей Чистой Богоотроковице,/ с Неюже ты ублажаем/ и святое твое успение// радостною мыслию празднуем днесь.

**Ж**изни палату, Анно Богомудрая, рождши,/ к жизни представилася еси воистинну нетленной/ и совокупляешися с лики праведных,/ питающих ты богато Владычною радостью;/ темже твое преставление совершаем, приснопоминаемая,// и верно почитаем, Богомудрии, днесь.

**Д**верь Небесную, Анно Богомудрая, рождши,/ к Небесному селению востекла еси, славно, / и славы Божественныя ныне наслаждаешися./ Ейже и нас, честное твое успение празднующих,/ молитвами твоими сподоби,/ страстей мрак разоряючи// и лютых обстояний мглу отгонящи.

Ины стихиры, глас 1.

Подобен: О, дивнаго чудесе:

**С**е светозарное торжество/ и светлый день и миру, радостный,/ успение честное и достохвальное Анны благославныя,/ из неяже родися Жизнь рождающая,/ одушевленный кивот, невместимое Слово вместившая,/ печали разрешение и радости Ходатаица,// подающая всем верным велию милость.

**О**, преславнаго чудесе!/ Источник жизни преславно рождающая,/ едину в женах благословенную Чистую,/ представляется от временныя жизни к безконечней/ Анна благославная,/ от земли взявшись к Небесным,/ днесь

срадоватися а́нгельским собо́ром,/ ея́же ны́не свято́е  
пра́зднуем торжество́.

**Д**несь свѣтлое торжество́, ве́рных ли́цы,/ успе́ние твоѣ че-  
стное́ почита́ем всеблагогове́йно/ Божѣственным Духом:/  
наста́ бо нам исцелѣний блиста́ющая благода́ть,/ и попа-  
ля́ющая возду́шных духо́в лука́вых совокупле́ния,/ и  
свѣтом наставля́ющая мы́сли/ ве́рою воспева́ющих твоѣ,  
досточу́дная А́нно/ честное́ преставле́ние.

«Сла́ва, и ны́не» – глас 8. **Анато́лиево:**

**И**же от непло́дных чре́сл/ жезл святы́й, Богоро́дицу, про-  
зя́бший/ из Нейже спасение миру возсия́ – Христо́с Бо́г,/  
супру́г непорочный и двоице святая, Иоаким и А́нна;/ сии  
бо, преставльшеся к Небесным селѣнием,/ со Дщерию  
своею Пречисто́ю Де́вою/ и со Ангелы ликуют,/ о ми́ре  
молитву творя́ще./ Ихже и мы, сошедшеся, благочестно  
пою́ще, глаго́лем:/ и́же Богоотроковицы ради и Пречис-  
тыя Мари́и,/ пра́отцы Христовы бы́вше, // молитеся о ду-  
ша́х на́ших.

**НА СТИХОВНЕ СТИХИРЫ, ГЛАС 5.**

**Подобен:** Ра́дуйся:

**Р**а́дуйся, мы́сленная ла́стовице,/ ве́сну благода́ти нам  
возвестившая,/ непоро́чно в целому́дрии жи́тельствовав-  
ши до́бре,/ и де́вства сокро́вище,/ че́стно болѣзновав-  
шая,/ Непоро́чную Богоро́дицу,/ а́гнице честна́я, я́же  
ро́ждшая Ю́ницу,/ взѣмлющаго А́гнца ми́ра прегреше́-  
ния,/ сло́вом Сло́во ро́ждшую, еди́ну Неискусому́жную,/  
А́нно, прамати Господня, тя от земли́ пресѣльшаго./ Егóже  
ны́не моли́ душам на́шим дарова́ти ве́лию ми́лость.

**Стих:** Ра́дуйтеся, пра́веднии, о Го́споде,/ пра́вым подо-  
ба́ет похвала́.

**Р**а́дуйся, вожде́ленная Бо́гу,/ избра́нная святостью́ми  
сия́ний зако́на,/ двоице честна́я,/ я́же изъявле́ния до́бре  
Божѣственною благода́тию предлага́ющая,/ Христа́ ро́жд-  
шую, Нача́льника жи́зни на́шея, Та роди́вши,/ Иоаким Бо-

гоприятный и Божественная Анна всечестная, / светильницы, возсиявши свещу бесценную, / благопроявляя благодать, Пречистую Богородицу. / С Неюже молитесь / душам нашим даровати велию милость.

**Стих:** Блажени вси, боящиися Господа, / ходящи в путех Его.

**Радуйся,** благословенная земле, / яже Богопрозябшую миру землю процветшая, / яже в законе Божественном безпрестани поучающаяся / и благодать всем подписавшая, / союз неплодствия рождеством своим избегшая, / и смертью нетление воздающая, / и к Божественней представляемая светлости Анна Богоблаженная, / прамати Христа Бога, / яже светоносный светильник – Богородицу рождающая. / С Неюже испроси душам нашим даровати велию милость.

«Слава, и ныне» – глас 8:

**Приидите,** вся тварь, в кимвалех псаломски, сошедшеся, / восхвалим Анну Богомудрую, / Божественную гору рождающую от ложесн своих / и к горе мысленней и райским селением / днесь преминувшую, и к ней возопием: / блаженное чрево твоё, / носившее воистинну Свет миру внутрь во чреве носившую, / и сосца твоя красная, яже ссаше доившая Христа, / пищу жизни нашея. / Егоже моли избавити нас от всякия скорби и прилога вражия / и спасти души наша.

**Тропарь, глас 4:**

**Жизнь** рождающую во чреве носила еси, / Чистую Богоматерь, Богомудрая Анно. / Темже к приятию Небесному, / идеже веселящихся жилище, / в славе радуешься, ныне преставилася еси, / чтущим тя любовью прегрешений просящи очищение, // присноблаженная.

**На повечерии канон святых жен, егоже краегранесие:** Честным женам честное пою пение. **Глас 8, Иосиф.**

## Песнь 1

**Ирмос:** Колесницегонителя фараона погрузи/ чудотвори  
иногда,/ Моисейский жезл, крестообразно поразив/  
и разделив море,/ Израиля же беглеца, пешеходца спасе,/  
песнь Бóгови воспевающа.

Плотскою немощию сильного врага низложите,/ и присвоистесь к Бóгу, преподобныя жены,/ молящесь силу всем нам подати спасительную.

Уязвистесь добротой Жениховой и во след Его прилепистесь псаломски,/ последующе живоносным стопам Его,/ и сего ради низложите врага змия.

Увидивше труды постническими телесныя доброты,/ украсите ваша души/ и со Христом Женихом в чертоги светлыя внидите, преподобныя.

**Богородичен:** Невестник показася световиден утроба Твоя, Дéво,/ милости ради телесно из Тебе воплотившагося Господа/ и всяческая Богоразумия лучами просвещшаго.

## Песнь 3

**Ирмос:** Небеснаго круга Верхотворче, Господи,/ и  
Церкве Зиждителю,/ Ты мене утверди в любви Твоей,/ желаний краю, верных утверждение,/ Еди́не Человеколюбче.

Презрела еси доброту телесную, пречестная,/ и мимогрядущую славу, яко сон, вменила еси,/ во смирении же, Олимпиадо, и пощении Бóга взыскала еси, Богоблаженная.

Младенствующи леты, нас ради Младенца Слова, на землю, Евпраксии, пришедшаго,/ верою возлюбила еси/ и Того образу души связала еси, непреложна пребывши.

Отвергостесь мира и плоти мудрования,/ воздержанием же и труды стяжавше Христа, Жениха Пречистаго,/ чертог Небесный, подающего вам Божественное наслаждение.

**Богородичен:** Священных пророк священные трубы древле Ты провозвестиша,/ дверь Света рождающую и свиток одушевленный,/ на немже не руками Слово написася паче слова, Пречистая Дéво.

## Песнь 4

**Ирмос:** Услышах, Господи,/ смотрения Твоего таинство,/ разумех дела Твоя/ и прославих Твое Божество.

Странноприемница усерднейша была еси, собор священных упокоевающи/ и Христа о сем веселящи, за милосердие страна бывшаго.

Доброту пречистую любимаго видевши Жениха твоего, Евпраксии,/ увидила еси плоти доброту воздержанием.

Дремание отринувше от душевных верждей священные жены,/ успите движания телесная воздержанием.

**Богородичен:** Воплотившагося Тебе, Господи, от Пречистыя Дéвы преподобныя возлюбивше,/ в вою мира Твоего потекша,/ Твоею уязвившеся Божественною любовью.

## Песнь 5

**Ирмос:** Вскую мя отриуул еси/ от лица Твоего, Свете Незаходимый,/ и покрыла мя есть чуждая тьма, окайннаго,/ но обрати мя и к свету заповедей Твоих/ пути моя направи, молюся.

От источника напаяема, вселенную всезлатыми учении священнаго пастыря напоившаго,/ класы прозябла еси добрыя детели, Олимпиадо,/ имиже питаеши сердца нас, чтущих тя.

Блаженными надеждами твою славную душу укрепльши/ и пищею невещественною питаема, ума чистотою дньми многими/ терпеливно алчбу, Евпраксии, претерпела еси, радуешься.

Умертвившися миру, наследовате жизнь безсмертную/ и чертога Божественнаго сподобистеся, Богоблаженные,/ свещи ваша постническим елеем неугасимы соблюдше, всечестныя.

**Богородичен:** Божие Бог Слово во утробу Неискусобрачную волею вселися/ и Человек узрен бысть, Иже Девкою соблюди Тя, Пречистая,/ Егоже желающе, отроковицы постнически Сему последоваша житием светлым.

## Песнь 6

**Ирмос:** Молитву пролию ко Господу/ и Тому возведу печали моя,/ яко зол душа моя исполнися/ и живот мой аду приближися,/ и молюся, яко Иона:/ от тли, Боже, возведи мя.

Иона сущи, Евпраксия болезней усердием, благочестивым помыслом/ ветхаго записателя попираше в немощи женстей телесе:/ утверждалше бо сию Христос, Иже в нашу облекся немощь.

Воздержание и смиренное сердце, бдение с милостынею,/ разум, и веру праву, и совершенну любовь, Олимпиадо, стяжавши, славная,/ была еси храм Божий и чудес источник неоскудный.

Устранивше себе житейских сластей терпением болезней постнических,/ на землю Сошедшаго нас ради и волею Странствовавша/ вы, честныя, сего ради стяжасте на Небесех, странноприимствовавша вас, досточудныя.

**Богородичен:** Чистоты Тя и честна девства чистый сосуд, Отроковице, Содетель обрет,/ словом в пречистое Твое чрево вселися/ и всю вражью от человек злобу изгна.

**Седален, глас 8.**

**Подобен:** Повеленное:

В молитвах тайных бдяще и наслаждшися писаньи Богодохновенными,/ Олимпиада и Евпраксия славная/ на раму Господень взяша Крест и, Сему последующе воздержательно,/ всю лесь змия низложиша, зовуще Христу:/ Женише Небесный, Ты буди нам утверждение.

## Песнь 7

**Ирмос:** От Иудеи дошедше, отроцы/ в Вавилоне иногда/ верую Троическою пламень пещный попраша, поюще:/ отцев Боже, благословен еси.

Сла́ву тле́ющую на нетле́нную премени́ша любóвию, преподо́бныя,/ ея́же наслажда́ющесе прѣсно, раду́ющесе и веселя́щесе, пою́т:/ благослове́н Бог оте́ц на́ших.

О, ка́ко претерпе́ стояние, а́лчбу же на дни мно́ги, Евпракси́е,/ Христу́ вопию́щи, Жениху́:/ благослове́н Бог оте́ц на́ших.

Вели́к тя сосу́д узрэв Божество́ннаго Ду́ха, Олимпиáдо,/ богáтно вели́кими сво́ими исполня́ет тя учéнии/ в патриáрсах вели́кий Златосло́в, блаже́нная.

**Богорóдичен:** Разреши́ла еси́ еди́на кля́тву прамáтернюю/ всех благослове́ными венча́ющаго Христа́ рóждши, Дéво, Емуже́ поём:/ Гóсподи Бóже, благослове́н еси́ во ве́ки.

## Песнь 8

**Ирмо́с:** Победители́ мучи́теля и пла́мене/ благода́тию Тво́ею бы́вше,/ за́поведем Тво́им зело́ прилежа́ще, óтроцы вопия́ху:/ благослови́те, вся дела́ Гóсподня, Гóспода.

По́мыслу, дéво, стра́сти безсловéсныя повину́ла еси́,/ и Жениху́ Сло́ву уневе́стившися, непорóчная чѣстая, вопию́щи:/ благослови́те, вся дела́, Гóспода, по́йте и превозносите́ Его́ во ве́ки.

Ва́шими по́двиги тéмнаго кня́зя низло́жше,/ венéц нетле́ния нам исходáтайша, и райскія вхо́ды, отрокови́це,/ и Божество́нное наслажде́ние в радости́ души́ во ве́ки.

Распéншесе ми́ру и Бóжиею любóвню уязви́вшеся, священны́я дéвы,/ вкуше́нием сла́дким Еву́ уязви́ваго, воздержáния стрелáми уязви́сте,/ воспева́юще Христа́ во ве́ки.

**Богорóдичен:** Иисуса́ рóждшая, от чѣстных кровей́ Тво́их вопло́щенна,/ дéвы вся собралá еси́, Пречѣстая́ Дéво Мáти, и с ними́ вопию́щи:/ благослови́те, вся дела́, Гóспода и превозносите́ Его́ во ве́ки.

## Песнь 9

**Ирмо́с:** Вои́стинну Богорóдицу,/ Тя испове́дуем,/ спасéннии Тобо́ю, Дéво Чѣстая,/ с Безплóтными́ лики́ Тя велича́юще.

Кра́сныя Влады́це, и богоглаго́ливныя гóрлицы,/ и лáстовицы свéтлыя и чистолю́бивыя,/ в доброты́ Небéсныя приведе́ни бы́сте.

Сочта́стесе с Вы́шними ликостоя́нии и во избáнных собóрах всели́стесе,/ о нас моля́щесе любóвию ще́дрому Бóгу.

Па́мять Евпракси́и и Олимпиáды, я́ко со́лнце, ми́рови возсия́,/ вéрных мы́сли просвещáющи, Христа́ велича́ющих прѣсно.

**Богорóдичен:** Свéта сýщи приятели́ще,/ просвети́, Дéво, омрачéнную страстьми́ дýшу мою́/ и кромéшния тьмы́ избáви мя мо́льбами́ Тво́ими.

## Стихи́ры святы́х жен, глас 1.

### Подóбен: Небéсных чино́в:

Та́йносло́вца проро́ка/ и учи́теля на́шего/ учени́цу в пéснях/ Олимпиáду со́гласно почтѣ́м досто́йно/ и с не́ю

восхваляюще целомудренную и чистую Евпраксию, / яко Христу молящуюся спастися нам.

**Благочестия** исчадие / и удобрение монашествующих сущу, / песньми достойно почтим согласно, вси вернии, / Евпраксию целомудренную, / яко молящую Зиждителя о нас, / спастися душам нашим.

**«Слава» – глас тойже:**

**Ты**, земную красоту совлékши, / добре благою часть избрала еси, Богомудрая, / юже обрете Марія, / и, вся абие оставльши временная, / добродетелию прияла еси / мысленный бисер многоценный.

**И ныне:** Достойно есть:

## НА УТРЕНИ

**На Бог Господь:** тропарь Анны святыя, трижды. Богородична не глаголем.

**По 1-й кафизме седален, глас 4.**

**Подобен:** Скоро предвари:

Твое празднуем, праведная Анно, успение, / славою бо неизреченною прослави тя Христос Бог, яко праматерь Свою. / Темже, преставльшися, Того моли мир молитвами твоими подати нам, / покрывающи от сопротивных души наша.

**Слава, и ныне, Богородичен:**

Обновила еси, Чистая, Божественным Рождеством Твоим / истлевшее во страстях земнородных мертвенное существо / и воздвигла еси вся от смерти к животу нетления. / Темже Тя по долгу блажим вси, Дево Препрославленная, / якоже прорекла еси.

**По 2-й кафизме седален, глас 4.**

**Подобен:** Удивися Иосиф:

В руке нас ради от Девы вочеловечшагося предавши душу, / ибо Зиждитель твой и Бог к нетленной жизни представи тя. / Темже ныне честно ублажаем тя, / яко единой Честней и непорочней воистинну Богородице сущую мать, и согласно зываем: / Зиждителя Твоего и Бога, Христа Спаса нашего, моли / спастися душам нашим.

**Слава, и ныне, Богородичен:**

Удивися Иосиф, еже паче естества зря / и внимаше мыслию, иже на руно дождь, в безсеменном зачатии Твоем, Богородице, / купину, огнем неопалимую, жезл Ааронов прозябший, / и, свидетельствуя, обручник Твой и хранитель священником зываше: / Дева раждает и по рождестве паки Девою пребывает.

**Аще празднуеши, величание:**

Величаем тя, / святая праведная Анно, / прамати Христа Бога нашего, / и всечестное славим // успение твое.

## Каноны Октоиха оба без мученична и святыя на 6, глас 4.

### Песнь 1

**Ирмос:** Отвѣрзу уста моя/ и наполнятся Духа,/ и слово  
отрыгну Царице Матери,/ и явлюся, светло торжествуя,/ и  
воспою, радуясь, Той чудеса.

Согрешений прощение, и злых избавление,/ и житий исправление ныне ми испроси,/ твою светоносную память почитающему днесь, Анно всехвальная.

Живот рождшую боголепно родила еси,/ темже к присножизненной жизни представилась еси,/ наслаждающихся радости неизглаголанная и Света невечернего, Анно Богозванная.

Благодать Божественная к радости представи,/ без семени юже роди Дщи сея Чистая,/ и предстоит со многим дерзновением,/ Господеви молящихся спастися всем.

Праведно и преподобно поживши, всехвальная,/ к Праведному Господу ныне представилась еси/ радоваться с праведными, иже от века,/ темже, сошедшая, ты верою почитаем.

**Богородичен:** Из Тебе нам возсия Солнце праведное,/ и всю озари Богоразумием землю,/ и разори мглу неразумия, Чистая, Всенепорочная, и Всеблаженная.

**Катавасия:** Отвѣрзу уста моя:

### Песнь 3

**Ирмос:** Не мудростию, и силою, и богатством хвалимся,/ но Тобою, Отчею Ипостасною Мудростию, Христе,/ несть бо свят, паче Тебе, Человеколюбче.

Заченшую Содержащаго вся зачала еси/ и родила еси паче слова Христа рождшую,/ темже твоё успение, Анно, почитаем.

С похвалами совершается славная память твоя,/ яко родила еси нам хвалений превышшую,/ Чистую Богоматерь, Анно Богоприятная.

Якоже солнце с луною, Анне совокупляясь,/ славный Иоаким, девства зарю раждает,/ Еяже ради Божества луча просия.

Гору Божественную из чресл твоих родила еси/ и к горам мысленным и рай селением, Анно, преминула еси, Богоблаженная.

**Богородичен:** Тя Предстательницу твердую, Богородительнице, стяжанием,/ упование на Тя возложивше, спасаемся/ и, к Тебе бо прибегающе, ограждаемся.

**Седален, глас 8.**

**Подобен:** Премудрости:

Матере Владыки и Творца/ матери была еси, Анно всехвальная, Того повеления присно хранящи,/ сего ради, умерши, к жизни безсмертной представилась еси воистинну/ и к Свету невечернему./ Темже светоносную и святую твою память совершаем,/ духом просвещаемы всегда, и согласно вопием ти:/ моли Христа Бога грехов оставление даровать/ чтущим любовь святую память твою.

**Слава, и ныне, тойже.**

## Песнь 4

**Ирмос:** Седяй в Славе на Престоле Божества/ во облаце  
лэгце,/ прииде Иисус Пребожественный/ Нетленною  
Дланию и спасе зовущия:/ слава, Христэ, силе Твоей.

Яже в законе писаная, поучающися, совершила еси/ и Законодавца Матере матери бы-  
ла еси,/ темже тебе вся тварь по долгу ныне сотворяет твою радостно память.

Блаженное чрево твоё воистинну,/ носившее Свет мира внутрь во чреве носившую,/ и  
сосца твоё красная,/ яко доившая доившую, Анно, Христа, Питателя нашего.

Яко поживши непорочно, Юже непорочно родила еси, Богородицу Отроковицу,/  
Слово Отчее породившую,/ и к Нему со славою вселилася еси,/ обоженá честными  
воистинну причасти.

**Богородичен:** Девы чрево – стог, якоже на гумне, воистинну явися,/ клас неделанен  
имущи, имже питается всякое естество, зовущее:/ Всесильне, слава, Христэ, силе  
Твоей.

## Песнь 5

**Ирмос:** Нечестивии не узрят славы Твоея, Христэ,/ но мы  
Тя, Единородне,/ Отческие Славы Сияние Божества,/ от  
нощи утренююще,/ воспеваем Тя, Человеколюбче.

Небо родила еси на земли воистинну, рождшую Небес Творца,/ днесь ты представ-  
ляющая к Небесным со славою, Анно преславная.

С невестственными чинми невестственным умом ликуеши радостно,/ исполняема  
сияния Богатодавца,/ но нас поминай, верою хвалящих тя.

От корене Иессеева прозябшая яве,/ благоцветущий жезл, Чистую, израстила еси,  
славная,/ израстившую цвет неувядающий, Иисуса, Избавителя нашего.

**Богородичен:** К Тебе прибегаю единой державней, верных покрову,/ на Тя надежду  
возлагаю спасения моего,/ Пресвятая Владычице Богородице, не презри мене.

## Песнь 6

**Ирмос:** Пожру Ти со гласом хваления, Господи,/ Церковь  
вопиет Ти,/ от бесовския крове очищися/ ради милости  
от ребр Твоих/ истекшею Кровию.

Господа Иисуса Бога праотцы,/ Иоаким же и Анна, правдою украшени,/ по дос-  
тоянию в песнях да восхвалятся днесь.

Всяческих похвал Анна превзыде,/ яко всякия похвалы превозшедшую родила есть,/  
сего ради в лице праведных водворяется.

Светоносия и светлости исполнена память твоё,/ сияния же в мире спасительная ис-  
пущающи,/ целомудренная Анно, дарований всяческих исполни.

Ручку, манну Божественную вместившую, во чреве носила еси, Анно,/ и, с Нею ныне  
на Небесех живущи,/ о всех молишися, прехвальная.

**Богородичен:** От Анны миру родилася еси,/ Царице, всех Царя рождающая,/ и,  
девствующи по Рождестве, Херувим превышши, Пренепорочная.

## Конда́к, глас 2.

### Подóбен: Вы́шних ища́:

**Прародителей Христо́вых па́мь прáзднуем, / тех верно просяще по́мощи / изба́виться всем от всякия скóрби, / зовущим: Бог наш с на́ми, // сих прославлей, я́коже благоволи́.**

#### Икос:

Проро́чески снiдемся вси досто́йно пéти прамáтере Христо́вы блаже́нное преставле́ние: / днесь бо от вре́мения преста́вися жи́зни, / на Небесéх с радостию шéствие творя́щи, радуется, / я́ко сущи ма́ти и́стинныя сущия Богороди́цы, и взывáет véрно: / вели́чит душа́ моя́ Го́спода, я́ко роди́х Сего́ Ма́терь на земли́, / Иже Сию́ прославлей, я́коже благоволи́.

## Песнь 7

**Ирмо́с:** Спасый во огни́ авраа́мския Твоя́ о́троки / и халдеи убив, / я́же Пра́вда пра́ведно уловля́ше, / препéтый Го́споди, / Бо́же оте́ц на́ших благословéн еси́.

**Я**ко жи́зни и́стинныя, Анно, Ма́терь ро́ждши, / к жи́зни и́стинней преста́вилася еси́ ко свéту, взывáющи: / препéтый Го́споди, Бо́же оте́ц на́ших, благословéн еси́.

**И**же Ма́тери Изба́вителя ма́ти сущи, Анно, / от земли́ к Небеси́, добродéтельми укра́шена, востече́, во хвалéнии зову́щи: / Бо́же оте́ц на́ших, благословéн еси́.

**К** несконча́емей жи́зни, к простран́ней широте́ райския пи́щи, / к невечéрнему свéту отшла́ еси́, Богоно́сице, зову́щи: / Бо́же оте́ц на́ших, благословéн еси́.

Испещре́на добродéтельми, добро́тою Божéственных дарова́ний укра́шена, / к Бо́гу преложи́ся, непреста́нно зову́щи: / препéтый Го́споди, Бо́же оте́ц на́ших, благословéн еси́.

**Богородичен:** Укра́шена добро́тами добродéтелей, / краса́го па́че сыно́в челове́ческих и родила́ еси́ Сло́во, Пренепоро́чная, / краса́ными ле́потами украша́ющаго Тебе́ песносло́влящих.

## Песнь 8

**Ирмо́с:** О́троки благочестивы́я в пещи́ / Рожде́ство́ Бого́родичо спасло́ есть; / тогда́ у́бо образу́ емое, / ны́не же де́йствуемое, / вселéнную всю́ воздвизáет пéти Тебе́: / Го́спода по́йте, дела́, / и превозно́сите Его́ во вся ве́ки.

Ма́ти еди́ныя Богороди́цы, я́же непло́ды пре́жде, ны́не же прамáти Христо́ва, / я́коже непло́дства, си́це и ме́ртвости, совлéкши оде́жду, во стране́ живу́щих вопиéт: / Го́спода по́йте, дела́, и превозно́сите Его́ во вся ве́ки.

Христо́с тебе́ двéри Вы́шня отве́рзе, радостно́ ты при́ят, / я́ко дверь родила́ еси́, ёю́же Сам про́йде и затворéну яви́ по исхожде́нии, / Богому́драя досто́йнопéтая Анно, / те́мже ты почита́ем, ве́рнии, во ве́ки.

Свято житиѣ скончавши, Святыя Приснодѣвы мѣти была еси, / Яже Пресвятѣе Слово породѣ, освященіе и избавленіе нам подающа, / Богомудрая и досточудная Анно, / тѣмже ты поѣм присно, вѣрнии, во вѣки.

**Богородичен:** Многими мя содержи́ма беда́ми и бу́рею грехо́вною бе́дствующаго, / ко приста́нищу невла́емому дыха́ній Ду́ха, Богороди́тельнице Влады́чице, ны́не наста́ви: / приста́нище бо еси́ христиа́н. / Тѣмже Ты поѣм во вся вѣки.

## Песнь 9

**Ирмо́с:** Ева́ у́бо недугом преслуша́ния / кля́тву всели́ла е́сть; / Ты же, Де́во Богороди́це, / прозябе́нием чревоноше́ния ми́рови Благосло́вение процвела́ еси́. / Тем Ты вси велича́ем.

От земли́ чрева́ твоего́ войстинну роди́ся земля́ святая́, / неде́ланен клас прозя́бши безсе́менно, ми́рови Пита́теля и Го́спода, / тебѣ к пи́щи неизжива́емой, Анно, премудро преста́вльшаго.

Па́мять тво́я днесь нам возсия́, со́лнца светле́йши, / сия́нием бога́тых даро́в нас просвеща́ющи, всечестна́я, и мрак страсте́й изыма́ющи, / ю́же соверша́ющих сохрани́.

Божественный нас Иоаким и Анна Богомудрая и всесла́вная, / супру́г честный и светно́сный, созыва́ют божественне веселі́тися сих пра́здником, / егѣже уясни́ Светода́вец всех Го́сподь.

**Богородичен:** Мари́е Госпоже́ всех, вся́кими мя порабо́щена согрешѣ́нии ны́не свобо́ди: / Сама́ бо Свободителя́ родила́ еси́ всех, / рабо́ты нас изба́вльшаго грехо́вныя, Божественным манове́нием.

**Свети́лен.**

**Подобен:** Со ученики́:

Досто́лжно воспоѣм Богозванную Анну: / Богороди́цу бо та Де́ву Мари́ю ро́ждши па́че наде́жды, / срѣдница по плѣти Христа́, Изба́вителя на́шего, яви́ся, / сию́ боголе́пно приѣмшаго днесь в Вы́шних, о нас моля́щуюся и о умирѣ́нии ми́ра.

**Сла́ва, и ны́не.**

**Подобен:** Не́бо звезда́ми:

Не́бо ро́ждши, Анно, но́вое, Мари́ю, Ею́же возсия́ сла́вы Со́лнце, / днесь от земли́ к Небе́сным преходи́ши, / Христу́ сра́дующися, пресла́вная.

## НА ХВАЛИТЕХ СТИХИРЫ НА 4, ГЛАС 1.

**Подобен:** Небе́сных чино́в:

Па́мять соверша́юще честну́ю, / Тебѣ воспева́ем, Христѣ́, / пресла́вно Анну от жи́зни привре́менныя / к непреста́ющей сла́ве преста́вльшаго ны́не, / я́ко ма́терь су́щую / без се́мене ро́ждшия Ты па́че естества́ // Богороди́цы и Приснодѣвы Ма́тере.

Па́мять святу́ю соверша́юще / пра́отец Христо́вых Иоакима́ и Анны, / честных и непоро́чных, / прославля́ем непреста́нно Изба́вителя́ и Ще́драго Го́спода, // сих преста́вльшаго к жи́зни нестарѣ́емей и нетле́нней.

**К** невещественным ликом и праведных селением, / идеже ангельстии чини, / идеже святых собор, / радость празднующих совершается, / и ныне духи праведных Иоакима и Анны всели, // ихже благочестно восхваляюще, ублажим.

**«Слава, и ныне» – глас 2:**

**Приидите, любодевственнии вси / и чистоты рачителие, / приидите, празднуем Аннино честное успение: / ибо та породі паче естества источника жизни, / Марию Богоотроковицу, / из Неяже родися Избавитель, / просвещаяй и освещаяй души наша.**

**Славословие великое и отпуст.**

## НА ЛИТУРГИИ

**Блаженны от канона, песни 3-я и 6-я. Прокимен, глас 4: Дивен Бог во святых Своих, / Бог Израилев. Стих: В церквах благословите Бога, Господа от источник Израилевых. Апостол к Галатам, зачало 210. Аллилуия, глас 1: Спасение праведным от Господа, и защититель им есть во время скорби. Евангелие от Луки, зачало 36. Причастен: Радуйтесь:**

**Успение праведной Анны.** Праведная Анна, мать Пресвятой Богородицы, происходила родом из мессианского колена Левина (по отцу) и мессианского колена Иудина (по матери). Дочь Матфана, она была супругой праведного Иоакима, потомка царя Давида, которому Бог обещал, что от семени его потомства родится Спаситель мира.

После двадцати лет брачной жизни праведные Иоаким и Анна не имели детей и глубоко скорбели об этом. Но они не роптали на Бога и со смирением переносили бесплодие, считавшееся у древних иудеев позором. После того как однажды во время большого иудейского праздника дары праведного Иоакима, принесенные Богу в ветхозаветный храм в Иерусалим, были отвергнуты израильским книжником Рувимом (на том основании, что у Иоакима нет потомства), праведный Иоаким удалился в пустыню. Здесь он постился 40 дней и 40 ночей, пребывая в молитве. Праведная Анна в это время также молилась Богу, умоляя Его даровать ей ребенка. Праведная Анна дала обет, если у нее будет ребенок, посвятить его Богу. Внезапно ей явился Ангел Господень и сказал: «Не бойся, Анна, ибо твой отпрыск предрешен Богом и то, что родится от тебя, будет в почитании во все века, до окончания их».

В то же время Ангел Господень явился святому Иоакиму со словами утешения: «Знай о твоей жене, что она зачнет Дочь, Которая пребудет в храме Бога, и Дух Святой почует на Ней, и благословение Ее будет на всех святых женах... и Сама Она будет благословенна и станет Матерью вечной благодати».

По возвращении домой из пустыни праведный Иоаким совершил Богу принятые по закону жертвоприношения. Через девять месяцев праведная Анна родила дочь. Благочестивые супруги нарекли Ее Марией.

Праведный Иоаким преставился в 80-летнем возрасте, через несколько лет после введения во Храм Пресвятой Девы Марии. Праведную Анну в возрасте 70 лет Бог сподобил провести два года при Иерусалимском храме, где она воспитывала свою Благословенную Дочь. По преданию, праведная Анна мирно почилла о Господе в Иерусалиме через два года после блаженной кончины праведного Иоакима.

При святом благоверном царе Иустиниане (527–565) в Девтере был выстроен в ее честь храм. Император Иустиниан II (685–695; 705–711) обновил этот храм после того, как праведная Анна явилась его беременной супруге. После этого события тело праведной Анны и ее мафорий (покрывало) были перенесены в Константинополь. В память святых праведных Богоотец Иоакима и Анны воздвигались храмы и монастыри и в Русской Православной Церкви. В литургической жизни имена праведных Иоакима и Анны ежедневно воспоминаются во время Богослужений.